

嘉靖蘭陽縣志

叙蘭陽縣志

蘭陽古東昏邑當齊魯之衝處
曹許睢陳之間數經兵燹邑志
久廢其尹褚子宦蒐輯殘缺邑
進士李君蒙泉遂編訂成帙予
覽而繹之乃知古之為志者厥
意遠矣夫事必有稽而後可以

叙

乙

立政行必有據而後可以基化
故職方所載題其綱弗竟其說
八索九丘昭示典要運用之妙
則存乎其人也今志之大者曰
疆域曰田賦曰學校曰人物古
今不易也乃若教農桑以植其
本酌徵歛以紓其力輔翼匡直

以端其趨向表暴振作以樹之
風聲是非志之所可及也况其
邑壤土平衍水旱易侵大河經
繞脩費無定民貧役重咸罔堪
命當其任者視他邑為尤難尹
能循其名以責其實通其情不
易其俗則仁愛之心自不能已

叙

二

惠澤之政必有可觀如是則百
里封疆之寄不愧父母之任後
有作者必來取法則吾為之監
司者亦足以免瘵曠之咎徒云
具文詞齊物采則亦兔園之籍
爾其於治化何補

賜進士第中憲大夫河南按察司

副使前兵科給事中少峯商大節撰

蘭陽志序

前進士邑人許樾撰

邑舊無志自澹然先生始為之然稽典獻昭軌物可信今而詔後矣其當時令吾邑者弗相厥載故邑人無從質之也歲丙申碧山先生以澹然

序

四

公志畀余曰子終之余浮沉內外餘十載矣弗克為吾友蒙泉李子得澹然公志撮其凡增附攸見備一家言邑茂才楊管二生從而翼其成眎而藪且析余自晉道邑令褚槐屏公出志求是正焉吁茲

成事也褚公惇典重紀良勤
矣夫余少取友於吾邑得蒙
泉子多聞而識余時寡陋辱
蒙泉不鄙丹鉛相就者幾五
年今觀是編可謂蓄而發乎
且志也者考故而徵實焉用
文之玉卮無當雖貴弗寶翔

其門題蕪茨罔加君子病焉
據志所紀謂土間名產值湧
而棘斂厲民之階均糧制賦
地賤而不售瘠民之漸河防
奔突黠者詭災求免導訟之
原確哉論也可禪采風獨文
乎哉吁制典也人紀也邑素

於開封稱望焉方伯丘公名
德奕奕服官美政居鄉善俗
先師後渠先生贊公爲河洛
巨擘有光信史厥子澹然直
聲諫垣嗣若郭侍御之秉介
張中丞之經畧暨先伯圭一
之督賦亶乎臣摹官師則若

扶風王之立荊州鄧之敏寧
海劉之毅黃巖應之化政教
咸用有章肥遯則松山文而
智麥菴暢而朗暨先祖白雲
居士篤而懿可擅林壑之秀
亶乎民表志之或詳與畧余
躋其成無以堅白爲也槐屏

公懇余言余故論列如此且
質蒙泉子以爲何如也褚公
政蹟煥乎可述追蹤前哲矣
茲不載序之成爲

嘉靖丙午仲秋月望

蘭陽縣志序

夫以九丘之編滙融群派小史之帙峭聳孤峰
是以搜神記幽俛蟲錄異其故何也披卷凝思
潛通冥府據槿縱目闊視遐方若夫嫌於脩辭
則亦艱於歷覽世隔風息地變跡荒故襄郊迷
驂御之途而魯嶽犯具教之講菽麥自閭瑯琊
人駭宜乎叅軍昧於馬曹宰相情於錢穀矧能
諳故實提酬對哉嘗觀食貨藝文貢賦學校律
曆選舉禮樂兵刑紀事惟鈞名志相襲匪直地
理則然也若迺我

朝之志一統以括輿圖一省以析藩臬一郡系乎
州縣一同殫乎封疆繇是曠世閱在比肩絕域
知不出戶詎匪亮哉肆我蘭陽舊志始纂於王
氏者若踈嗣輯於張氏者或泛惟丘澹然先生
所著既兼三長復包衆美惜也未壽之梓顧乃
遂散其章秦漢迄今之典幾淪於蔑矣然而殘

編斷簡尚可添注甄收豕亥銀根罔辭登革郭
公夏五姑示疑訛獵善稽之鄉評拾遺諮之耆
舊情惟真率言弗彌縫翦削繁蕪雖執臆見提
撮領要實祖前脩於戲僭矣錄成顛末涉徧古
今其於諸志則與有力焉脫有問者僅足以答
其槩也所憾者四境平原乏巒壑之登眺十終
禾黍罕林泉之勝遊譬則玄酒太羹人罔不厭
其澹亦罔不齊其腴又如太呂黃鍾人罔不鄙
其雅亦罔不嗜其音所憾者滋可賀者也第惟
嗛愧琳琅未免宸遺斧鑿所秘諸書竒用訓于
家庭時際

槐屏褚令學富芸牕治優花縣信燕石之重取
襪線之長設求矢其初心遂止篋乎前步俾此
志竟爲缺典也爰脫漫藁而竊擬輪轅奉教作
家而幸歸彙括是圖是望寧敢自負美愛斯傳
云

嘉靖乙巳中夏端陽日邑人後學蒙泉李希程撰

次序

三

蘭陽縣志凡例

一實錄本禹貢職方史記歷代史傳文獻通考翰墨全書

大明一統志河南總志蘭陽舊志

一大書詮注擬綱目例叙事法綱目集覽例其序記詩賦雜文卽分系附錄于下取綱目發明例

一人必書名雖尊者親者不諱示末其傳後有所考一事失其始者則闕之歲月未的者亦著其時之大約

凡例

一事有稽者則曰出某書出某人其自續作者別曰新增

一志爲一縣其通天下者如祀典鄉飲之類不載一舊文未雅者雖石刻亦不登載恐言之無文行之不遠

一地理必考其實傳聞者不載

一田賦土產所宜者始錄賦役新加者悉載

一建置有勞者雖小必書示不忘也

一署制添設者紀之于後當先舊典

一學校如饌堂之類旣廢猶存其名俟人之復舊也
一官師政聲教績稽諸公議在職者不書恐涉諛佞
一選舉技術亦紀見世無棄才也

阿

一遺蹟未真者仍舊紀載竊春秋傳疑者也

一文詞有關大體者收錄其餘不泛

縣境之圖

尖塚

泉
張
張
張

柱
河

柱
河

蓄

流
渠

縣
治

白
河

青
高
河
康
蕭
渠

城
堡


臺
台
台

台
臺
臺

台


揚
高

臺



縣城之圖


圖



縣治之圖

房馬西

房馬東



縣學圖

